

明詩別裁集

王士禛

蘇子仙

PDG

明詩別裁集卷三

沈德潛稿士

長洲

周準欽萊

同輯

高

棟

棟字彥恢長樂人永樂初以布衣召入翰林爲待詔墮典

籍卒

林尚默云詩始漢魏至唐極

盛宗

失之理趣元滯於學識而不由

悟以

入自襄城楊士宏始編唐詩然

知者

尚鮮先生選唐詩品彙義者服

其精

博典籍詩以五言古爲勝俞

汝成

盛推歌行非篤論也至擬唐諸

作初

無君

形者

存

九月八日郭南山亭宴集分得下

字

海國霜氣涼。秋聲落遙野。乾坤肅以清。收
納屬多暇。出郭尋幽期。同人命軒駕。載酒
入翠微。憑高憇層榭。蒼山橫黃雲。大江天
同瀉。飛雨霞際晴。夕陽雁邊下。江山滿陳
迹。今古成代謝。高興殊未平。臨風獨悲咤。
飛雨十字寫
晚景入畫

賦得羅浮霜月懷二逸人

海國梅始白。飛霜動鳴鐘。寒空一片月。桂
在羅浮峰。夜色不映水。清光與之同。百里
皆瑤華。千林闕幽風。蕭條巖際葉。嘹唳雲
邊鴻。遠客起遙念。滄波思千重。夢迴明鏡
沒。寂歷聞幽蛩。

水竹居

清溪入雲木。隱處林塘深。微月到流水。冷

冷竹間琴。虛聲起。遙聽天影微。遠心余亦
鵞鶴侶。將期此投簪。

題臺江別意。餞顧存信歸番禺。

置酒臺江上。悵然傷解攜。番禺天萬里。矯
首南雲低。停舟對鏡日將暮。目送南雲指
歸路。鄉夢多隨蜃母樓。家林近入扶桑樹。
滄浪浩蕩杳難期。此別重逢又幾時。東去
臺江應到海。唯因流水寄相思。

王

恭恭字安中。固縣人。永樂初。以
儒士薦。起授翰林典籍。尋授

歸牒

聞笛歌送人之塞上

橫笛對離亭。扁舟越江口。月下何人最斷
腸。天涯怨別驚楊柳。此夜愁心獨對君。明
朝悵別又離群。單于城上吹羌管。知爾相
思不忍聞。

春鴈

春風一枝到衡陽。楚水燕山萬里長。莫怪
春來便歸去。江南雖好是他鄉。

卜

同同字孟
翁吳人

倪雲林畫

雲開見山高。水落知風勁。亭下不逢人。斜
陽澹秋影。

鄭

真

真字千之。鄞縣人。洪武壬
子鄉試第一。官廣信教授。

寄烏繼善先生

紅心驛外望家山。颯颯西風兩鬢斑。繫雁
書成霜滿地。飯牛歌罷月臨關。說傳海外
蘇公死。終詔堯林老。還客舍。不知身健
否。何時訪我白雲間。

鄭

淵淵字仲養
滿江人

海棠仕女圖

東風蕩漾百花潭。翠袖迎風酒半酣。好鳥
隔窗催曉色。美人殘夢到江南。

練子寧

子寧字名安新淦洪武乙丑榜眼累官工部侍郎建文時

遷御史大夫靖難兵入不屈死

二月望日與饒隱君遊玉笥山

我懷謝康樂獨往遊名山身同雪舟繫心
與浮雲閒清風澹蕩灑六合令我興在雲
松間玉山高與南斗齊雲錦照耀廬山低
三十六峰凌虹霓飛湍噴雪臨迴溪長松
挂月青猿啼上有梅仙采藥之幽栖下有

蕭雲讀書之故基。洞天石扇杳莫測。瑤草
謾長三春蕙。我欲因之覽八荒。手拂青蘿
眠石牀。回飈吹散碧天霧。清冥倒瀉澄湖
光。作爲玉山謠。寄之雙峰客。興來攜妓秋
復春。笑殺東山謝安石。

方孝孺

孝孺字希直。臨海人。建文中
文學博士。靖難兵至。令草詔。

不屈
族誅

閑居感懷

我非今世人。空懷今世憂。所憂諒無他。慨想禹九州。商君以為秦。周公以為周。哀哉萬年後。誰為斯民謀。

鳳隨天風下。暮息梧桐枝。群鴟得腐鼠。笑汝長苦飢。舉頭望八荒。默與千秋期。一飽亮易得。所存終不移。

池魚不知海。越鳥不知燕。蚯蚓霸一穴。神龍行九天。小大萬相殊。豈惟物性然。君子

勿歎息。彼誠可哀憐。

上巳約友登南樓

生意忽滿眼。不知春淺深。良朋曠嘉會。濁
酒難孤斟。迢迢城上樓。高朗宜遠臨。曷不
一舉趾。縱望淵與岑。逍遙群動表。舒豁萬
古心。古人已寂寞。繼者應在今。蘊真有至
樂。外慕非所欽。願言領衆妙。無爲鬱冲襟。

懿文皇太子挽詞

盛德聞中夏。黎民望彼蒼。少留臨宇宙。未
必愧成康。宗社千年恨。山陵後世光。神遊
思下土。經國意難忘。

程本立

本立字原道。崇德人。洪武中以明經薦。建文初。徵入翰林。陞僉都御史。靖難兵至。自經於應天府學。

題李典儀雲東卷

母老。今猶健兒行。久不歸。一官淹白首。萬
里夢斑衣。越郡東溟濶。秦關西日微。只將

雙淚眼。日日看雲飛。

晚至安寧

連然驛路馬曾諳。落日行人思不堪。地極九州銅柱北。山蟠六詔鐵橋南。湯池水底皆陰火。鹽井煙中半夕嵐。回首蓬萊天萬里。忍教塵髩白毵毵。

袁敬所

敬所不知其名。清難後龍寓常山之松嶺。酒酣書五柳圖。

詩擲筆悲吟。繼以潸淚。有江右布商見之曰。此吾鄉某編修何爲在此。敬

所趨掩其口
不顧而去

題淵明五柳圖

藜杖芒屨。白布裘。山中甲子。自春秋呼兒。
檢點門前柳。莫遣飛花過石頭。

趙

工部字雲翰祥符人洪武丁卯
羽舉人授兵部主事後歷官禮

兵刑三部尚書

成南書事

三年為客寄龍沙。望斷南天不見家。惟有

受降城上月。照人清淚落胡笳。陳卧子云
風。畧同宋
文恪句法

解

縉

縉字大紳吉水人洪武戊辰
進士永樂中官翰林學士出

爲廣西參政改交趾入奏事會太宗
北征見東宮辭去爲高煦所諸徵下
獄死。永樂以還尚臺閣體諸大老
倡之衆人靡然和之相習成風而真
詩漸亡矣故解大紳以下
李賓之以前所收獨畧

送劉縉不按交趾

叱髯白晢繡衣郎。驄馬南巡古越裳。城郭

新開秦郡縣山河原是漢金湯天連銅柱
蠻煙黑地接珠崖海氣黃莫說炎荒冰雪
少須令六月見飛霜

楊士奇

士奇名寓以字行泰和人建文時以辟召入翰林永樂初

改編修入直文淵閣累官少師贈太師謚文貞

漢江夜泛

泛舟入玄夜奄忽越江干員景頽西林列
宿燦以繁凝霜飛水裔回颿蕩微瀾孤鶴